

# DIOLCH YN FAWR!



Yn ystod ein tymor cyntaf, fe wnaeth teulu Ysgol Maes Garmon lwyddo i gefnogi pedair elusen haeddiannol: Macmillan; British Bee Charity; Plant Mewn Angen; Banc Bwyd Sir y Fflint. Diolch yn fawr iawn i bob un ohonoch am eich caredigrwydd a'ch haelioni. Diolch hefyd i'r dysgwyr fu'n trefnu'r digwyddiadau amrywiol i godi arian.

During the first term, the Ysgol Maes Garmon family succeeded in supporting four worthwhile charities: Macmillan; British Bee Charity; Children in Need; Flintshire Food Bank. Thanks to each and every one of you for your kindness and generosity. Thanks also to the learners who organised various events to raise money.

# Blynnyddyn Newydd Dda

Gobeithio bod eich plant a'ch teuluoedd wedi cael cyfle i ymlacio wedi tymor cyntaf prysur iawn.

Mae dechrau'r flwyddyn - a dechrau tymor newydd - yn gyfle i bwys o'r 'botwm ailosod'. Mae gan bob un ohonom, yn oedolion a phlant, bethau y medrwn ni wella a chryfhau fel ein bod ni'n gwneud y gorau drosom ni ein hunain.

Mae unrhyw daith at welliant yn cychwyn gyda'r unigolyn, ac rydym ni fel staff yma i gefnogi ein dysgwyr fel unigolion ar hyd eu taith addysg.



Mae dechrau'r flwyddyn yn gyfle i mi rannu neges bwysig efo chi. Rôl ein hathrawon yn Ysgol Maes Garmon yw **addysgu, arwain a chefnogi ein holl ddysgwyr**. Yn ystod y tymor cyntaf eleni, roedd gormod o amser addysgu yn cael ei wastraffu trwy orfod gofyn i rai o'n dysgwyr ddilyn ein disgwyliadau. Daw rhai o'n dysgwyr i'r ysgol yn gwisgo eitemau sydd ddim yn addas nac yn rhan o'n gwisg ysgol megis esgidiau Converse, sgertiau sy'n anaddas o fyr, hwdis lliwgar a throwsusau cargo neu legins tynn. Mae dysgwyr eraill yn cyrraedd gwersi'n hwyr iawn gan amharu ar gychwyn gwersi. Ar ben hyn, daw nifer o ddysgwyr i'r ysgol heb fag nac offer ysgrifennu o unrhyw fath. Mae rhai o'n dysgwyr yn gwirio eu ffonau symudol o fewn gwersi.

## **Mae'r holl bethau yma yn tynnu sylw'r athro pwnc ac yn achosi straen diangen...**

Yr wyf fi, fel chi sy'n rhieni a gofalwyr, yn awyddus i weld eich **plentyn yn llwyddo** fel eu bod nhw'n gadael Ysgol Maes Garmon yn **aelodau cyfrifol a chydwybodol o'r gymdeithas**.

Mae'r neges felly'n symbl:

Mae pob aelod o Ysgol Maes Garmon i wisgo'r wisg ysgol gywir.

Mae pob dysgwr i fod yn brydlon i'w gwersi.

Mae pob dysgwr i gario offer ysgrifennu efo nhw.

Mae pob dysgwr i barchu'r ffaith nad oes ffonau symudol i'w defnyddio o fewn gwersi.

## **Dyma ein disgwyliadau i sicrhau bod pob gwers yn rhoi ffocws i'r hyn sy'n bwysig: addysg eich plentyn.**

Gyda hyn, rwyf yn dymuno'r gorau i'ch plentyn a chi fel rhieni a gofalwyr ar gychwyn ein hail dymor a'r flwyddyn newydd.

*Bronwen Hughes*  
Pennaeth

# *Happy New Year*

*I hope your child and your family have enjoyed a well-earned rest following a very busy first term.*

*The beginning of the year – and the beginning of a new term – is an opportunity to press the 'reset' button. We all have things in our lives that we can improve and strengthen, as adults and children, so that we do our best for ourselves. Any journey towards improvement begins with the individual, and we are here as staff to support our learners as individuals as they pursue their educational journey.*



*The beginning of the year gifts me the opportunity to share an important message with you. The role of our teachers at Ysgol Maes Garmon is to **teach, lead and support all learners**. During the first term of this academic year, too much teaching time was wasted through having to ask some of our learners to follow our expectations. Some of our learners arrive at school wearing items that are not part of our school uniform such as Converse shoes, skirts that are inappropriately short, colourful hoodies and cargo trousers or tight leggings. Other learners arrive to their lessons extremely late, which in turn affects the beginning of the lessons. In addition, some learners arrive at school with no bag or writing equipment of any kind. Some of our learners check their mobile phones for notifications during lessons.*

***All these things distract the subject teacher and cause unnecessary strain...***

*I, like you as parents and carers, want to see **your child succeed** so that they leave Ysgol Maes Garmon as **responsible and conscientious members of the community**.*

*My message therefore is simple:*

*Every member of Ysgol Maes Garmon is to wear the correct school uniform.*

*Every learner is to arrive promptly to lessons.*

*Every learner is to have writing equipment with them at all times.*

*Every learner is to respect the fact that mobile phones are not to be used during lessons.*

***These are our expectations to ensure that every lesson gives focus to what is important: the education of your child.***

*I wish your child and you as parents and carers the very best for the new term and the new year.*

*Bronwen Hughes  
Headteacher*

# Ein Gwasanaeth Nadolig 14.12.22

## Our Christmas Service 14.12.22



Cewch glywed rhai o'r eitemau trwy YouTube - ewch i sianel Ysgol Maes Garmon. / You can hear some of the items through YouTube - visit our Ysgol Maes Garmon channel.



Er gwaethaf y tymheredd isel, fe wnaeth llwythi o deulu a ffrindiau ymgynull yn Eglwys y Santes Fair ym mis Rhagfyr ar gyfer ein gwasanaeth Nadolig – y cyntaf ers Covid.

Cafwyd eitemau safonol gan gorau a grwpiau niferus, ac unawdau arbennig gan Beca Bl.9 ac Erin Bl.10. Clywyd nifer o unawdau offerynnol hefyd gan Joseph Bl.12, Elen Bl.9 a Cadan Bl.8. Roedd hi'n braf iawn clywed carolau cyfarwydd, yn ogystal â chyfansoddiadau newydd hyfryd gan ein Pennaeth Cerdd, Mr Ynyr Llwyd.

Diolch i'r holl staff a fu'n paratoi'r dysgwyr ac yn gofalu amdanynt ar y diwrnod, yn arbennig Mr Llwyd, Miss Elin Roberts, Mr Tomos Gwyn, Mr Gareth Jones a Mrs Llinos Cleary. Bydd y profiad yn sicr o aros yng nghof ein dysgwyr am flynyddoedd! Diolch hefyd i chi fel rhieni a gofalwyr am gefnogi'r noson, ac am gyfrannu mor hael er cof am ddau gyn-aelod o staff a wnaeth gymaint i hybu'r celfyddydau yn yr ysgol, sef Dr Aled Lloyd-Davies a Mrs Rhiannon Jenkins.



*Despite the bitterly cold weather, hundreds of family and friends joined us at St Mary's Church for our Christmas service – the first since Covid.*

*Items of an exceptional standard were heard from numerous groups and choirs, as well as special solos from Beca Yr 9 and Erin Yr 10. Several instrumental solos were also heard from Joseph Yr 12, Elen Yr 9 and Cadan Yr 8. It was lovely to hear some familiar carols, as well as beautiful new compositions written by our Head of Music, Mr Ynyr Llwyd.*

*Thank you to all the staff who prepared the learners and cared for them during the day of performance, in particular Mr Llwyd, Miss Elin Roberts, Mr Tomos Gwyn, Mr Gareth Jones and Mrs Llinos Cleary. The experience will certainly remain in our learners' memories for some time! Thanks also to you as parents and carers for supporting the evening, and for donating so kindly in memory of two former Ysgol Maes Garmon teachers who did so much to promote the arts within the school – Dr Aled Lloyd-Davies and Mrs Rhiannon Jenkins.*

# STAFF newydd

Rydym yn hynod falch ein bod ni wedi penodi nifer o aelodau newydd i dîm staff yr ysgol eleni. Mae Mrs Esyllt Edwards a Miss Siwan Jones wedi ymuno â'r adran Gymraeg, Mrs Manon Scott efo'r adran leithoedd Tramor Modern, Miss Natasha Toone efo'r

adran Ddaearyddiaeth, Mr Tomos Gwyn efo'r adran Fathemateg, a Miss Hannah Roberts efo'r adran Wyddoniaeth. Rydym hefyd wedi croesawu Miss Lauren Humphreys fel Cynorthwyydd Addysgu a Mr Aled Jones fel technegydd. Croeso cynnes i bob un ohonynt: gobeithio y byddant yn hapus iawn yn ein cwmni.

Mewn cydweithrediad â CaBan, yr adran o Brifysgol Bangor sy'n hyfforddi athrawon y dyfodol, rydym hefyd wedi cael tri athro cyswllt efo ni dros dro: Mr Rhodri Davies (Addysg Gorfforol); Miss Saran Richards (Celf); Miss Glain Jones (Hanes). Dymunwn bob llwyddiant iddyn nhw yn eu profiad ysgol nesaf.



Esyllt Edwards



Siwan Jones



Manon Scott



Natasha Toone



Tomos Gwyn



Hannah Roberts

We are delighted that we have appointed several new members to our teaching staff this year. Mrs Esyllt Edwards and Miss Siwan Jones (Welsh); Mrs Manon Scott (Modern Foreign Languages); Miss Natasha Toone (Geography); Mr Tomos Gwyn (Maths); and Miss Hannah Roberts (Science). We have also welcomed Miss Lauren Humphreys as a Teaching Assistant and Mr Aled Jones as a Technician. A warm welcome to them all: we hope they will be happy in our company.

As part of our role to train new teachers, and in partnership with CaBan - the department at Bangor University that trains new teachers - we have welcomed three Associate Teachers during the last term: Mr Rhodri Davies (P.E.); Miss Saran Richards (Art); Miss Glain Jones (History). We wish them well as they move on to their second school experience.



Bydd Mrs Emma Jones, Pennaeth Blwyddyn 7, hefyd yn cymryd cyfrifoldeb dros flwyddyn 9 yn ystod cyfnod mamolaeth Miss Lowri Hughes. Dymunwn yn dda i'r ddwy!

Mrs Emma Jones, Head of Year 7, will also be taking responsibility for Year 9 whilst Miss Lowri Hughes is on maternity leave. We wish them both well!

NEW  
Staff

# **Ein Prif Ddisgyblion**

## **Our Head Pupils**

Eleni, ein Prif Ddisgyblion yw Gruff a Hannah. Ynghyd ag Elin, Daniel ac Eve fel rhan o dîm arweiniol y 6ed dosbarth, maent yn cynrychioli'r ysgol ac yn gweithio'n galed yn cefnogi ein dysgwyr. Mae Hannah yn esbonio sut mae'r tymor cyntaf fel prif ddisgybl wedi bod...

Mae fy mhrofiad o fod yn brif ddisgybl hyd yma wedi bod yn llawn cyfleoedd a chyfrifoldeb. Rydw i wedi mwynhau fy rôl yn ystod y tymor diwethaf, ac yn edrych ymlaen at beth fydd i ddod yn ystod y tymor nesaf! Cefais y faint o fynd i Dreuddyn efo Gruff ar gyfer dadorchuddiad cofeb newydd yr Urdd a dathlu'r hanes o 100 mlynedd Adran Treuddyn lle cwrddais â Myrddin ap Dafydd. Fel myfyriwr lefel A Cymraeg, roedd yn brofiad gwych i gwrdd â bardd sydd â gwaith yn rhan o'r cwrs!

Rydw i'n mwynhau'r cyfrifoldeb sydd yn dod gyda'r rôl, ac wedi bod yn fwy na hapus i drefnu parti Nadolig y Chweched, fel ffodd o ddod a blwyddyn 12 a 13 at ei gilydd a dathlu ar ôl y ffug arholiadau!

Yn ystod y tymor nesaf, gobeithiaf gymryd rhan mewn rhagor o weithgareddau elusennol fel y gwnaethom gyda'r stondin cacennau tuag at apêl Macmillan, a chael cyfreithiau i drafod bywyd y Chweched gyda disgyblion blwyddyn 11.



My experience as being a Head Pupil has been one of opportunities and responsibilities. I have enjoyed the role and I'm looking forward to many more opportunities next term! Along with Gruff, I had the privilege of attending a special ceremony to unveil a memorial plaque celebrating the history of the Urdd and 100 years of Adran Treuddyn. I got to meet the bard Myrddin ap Dafydd, which was especially exciting as I had studied his work as part of my A Level Welsh course.

I have enjoyed the responsibility that comes with the role, and I was happy to organise the Sixth form Christmas party—an opportunity for Years 12 and 13 to get together following the mock examinations!

During this next term, I hope to participate in more charity activities as we did when we organised a cake stall for Macmillan, as well as talking to Year 11 about Sixth form life.

*This year, our Head Pupils are Gruff and Hannah. Along with Elin, Daniel and Eve, as a 6th form leadership team they work hard to support our learners and represent the school. Hannah has been reflecting upon her first term as a head pupil...*



# DARLLEN READING



Yn ôl yr Ymddiriedolaeth Llythrennedd Cenedlaethol, dim ond 28% o blant a phobl ifanc rhwng 8 a 18 oed sy'n darllen yn fwriadol yn ddyddiol (2022). Nid oes angen esbonio pa mor bwysig yw medru darllen yn rhugl: trwy fedru darllen yn rhugl y byddwn yn medru dechrau dysgu am bethau newydd a'u deall.

Awgrymir bod angen i bobl ifanc ddarllen y tu hwnt i oriau'r ysgol am o leiaf 20 munud y dydd er mwyn cryfhau eu sgiliau darllen. Mae'n bwysig i bob dysgwr yn ein hysgol ddarllen llyfrau Cymraeg a Saesneg yn gyson.

Mae nifer enfawr o lyfrau gennym o fewn yr ysgol i'n dysgwyr fenthyg, ac mae modd benthyg rhai yn ddigidol yn rhad ac am ddim trwy [www.borrowbox.com](http://www.borrowbox.com)

Yn ddiweddar, trwy garedigrwydd Siop y Siswrn a Llywodraeth Cymru, cafodd pob dysgwr ym mlynnyddoedd 7-9 lyfr Cymraeg i'w gadw. Diolch i Mrs Bethan Wyn Jones a'r adran Gymraeg am drefnu hyn.



*According to the National Literacy Trust, only 28% of children and young people between 8 and 18 years of age read intentionally on a daily basis (2022). We cannot emphasise enough how vitally important it is to be able to read with fluency: through reading fluently we can learn about new things and begin to understand concepts that are new to us.*

*It is has been suggested that young people should read for at least 20 minutes outside of school so that they may strengthen their reading skills. It's important for every learner in our school to read both Welsh and English books regularly.*

*We have a huge amount of books in school that our learners may borrow, and you can also borrow digitally through [www.borrowbox.com](http://www.borrowbox.com) for free.*

*Our learners in years 7-9 were recently given a Welsh book to keep, through the generosity of Siop y Siswrn and the Welsh Government. Our thanks to Mrs Bethan Wyn Jones and the Welsh department for arranging this.*



Rydym yn hynod o ddiolchgar i'r oedolion oedd yn bresennol yn fforwm ar-lein cyntaf y flwyddyn academaidd hon. Mae eich adborth am yr ysgol yn bwysig iawn i ni: trwy wrando ar eich sylwadau cadarnhaol a'ch pryderon, rydym yn medru cynllunio i'r dyfodol. Yn ystod y cyfarfod, trafodwyd nifer o bynciau sydd wedi eu rhestru ar y dde i'r golofn hon.

- Weduc
- Fepio/Vaping
- Gofal bugeiliool/ *Pastoral care*
- Ymddygiad/ *Behaviour*
- Cynnwys Asesiadau/ *Contents of assessment tasks*
- Gwersi cyflenwol/ *Cover lessons*

We are extremely grateful to the adults who attended our first online forum of the academic year. Your feedback is important to us: through listening to your positive comments and concerns, we can plan for the school's future. During the meeting, several subjects were discussed: these have been listed on the left of this column.

Bydd ein cyfarfod nesaf yn digwydd yn Neuadd yr Ysgol ar y 16eg (dyddiad newydd) o Fawrth rhwng 6 a 7 o'r gloch. Byddwn yn esbonio'r camau sydd wedi eu cymryd yn dilyn sylwadau'r fforwm diwethaf, ynghyd â rhoi'r newyddion diweddaraf am y Cwricwlwm i Gymru. Hefyd, bydd croeso i rieni a gofalwyr sydd ddim wedi cael cyfreithiol i ymweld â'r ysgol o'r blaen gael taith o amgylch yr ysgol yng nghwmni aelodau'r Uwch Dîm Rheoli. Cofiwch, mae cyfarfodydd y fforwm yn ddwyieithog ac nid oes angen 'ymaelodi' nac ymrwymo i bob un.

*Our next forum meeting will take place in the school hall on the 16th of March (new date) between 6 and 7pm. We will be explaining the steps we have taken in light of some of the comments made during the last forum meeting, as well as giving an update on the Curriculum for Wales. In addition, any parents or carers who have not yet been able to visit the school will be shown around the building by members of the Senior Management Team. Remember, all forum meetings are bilingual and you do not have to 'join' or commit to any number of meetings.*

# Fepio / Vaping

We are concerned about the increase in learners who bring vapes to school.

Rydym yn poeni am y cynnydd amlwg yn y nifer o ddysgwyr sy'n dod â fêps i'r ysgol.

**Nid oes gan unrhyw un yr hawl i fepio nac ysmygu ar dir yr ysgol, boed tu mewn neu du allan i adeilad yr ysgol.**

Mae delio ag unigolion sy'n torri'r rheol uchod yn cymryd amser y gellid ei dreulio yn delio â materion strategol er budd pob dysgwr.

Byddwn yn dilyn y drefn isod efo unrhyw un sy'n fepio neu'n ysmygu ar dir yr ysgol. Rhaid i rieni a gofalwyr ein dysgwyr sy'n torri'r rheol dderbyn y bydd canlyniadau.

1. Os caiff disgybl ei ddal yn fepio/ysmygu, bydd galwad ffôn i chi fel rhieni/gofalwr i'ch hysbysu o'r digwyddiad. Bydd eich plentyn yn cael ei gyfeirio i Flintshire Sorted. *If your child is caught vaping/smoking, you will receive a phone call to inform you of what has happened. Your child will be referred to Flintshire Sorted.*
2. Os oes ail ddigwyddiad, bydd disgwyl i chi fel rhieni/gofalwyr fynychu cyfarfod yn yr ysgol ar frys. Bydd eich plentyn yn cael ei dynnu o wersi am weddill y dydd. *If your child is caught a second time, you will be required as their parents/carers to attend a meeting at the school as soon as possible. Your child will be withdrawn from lessons for the remainder of the day.*
3. Os yw eich plentyn yn cael ei ddal eto, fe'i dynnar allan o wersi am weddill y dydd, a rhoddir gwaharddiad allanol o ddiwrnod. Caiff y cam yma ei ailadrodd os oes rhagor o ddigwyddiadau. *If your child is caught vaping or smoking again, they will be withdrawn from lessons for the remainder of the day, and given a one-day external exclusion. This stage will be repeated if there are further cases.*

*Bydd cosbau hefyd yn cael eu gweithredu yn achos disgyblion sy'n cael eu dal yn rhannu ciwbicl toiled neu'n gwerthu fepiau. / Punishments will also be issued in incidents where pupils are found sharing cubicles or selling vapes.*

Mae gan BAWB yr hawl i deimlo'n ddiogel yn yr ysgol.  
**EVERYONE has the right to feel safe in school.**

# Ein Noson Agored

Wedi cyfnod o seibiant oherwydd cyfngiadau Covid, roedd yn bleser ym mis Hydref 2022 i groesawu llwythi o ddysgwyr Bl.4-6 i weld yr ysgol ac i gwrdd â'n staff a'n dysgwyr. Diolch i bob dysgwr wnaeth ein helpu yn ystod noson hynod o brysur!



Following a period of strict Covid regulations, it was a pleasure to be able to open our doors once more in October 2022 to welcome potential learners from years 5-6 and allow them the pleasure of meeting our learners and staff. Thank you to all our current learners who came to help during the evening!

## Our Open Evening



Diolch i Gruff a Hannah, ein Prif Ddisgyblion, am gynrychioli'r ysgol mewn seremoni arbennig i ddathlu 100 mlynedd ers sefydlu Adran Treuddyn. Dyma'r ddau wrth y cofeb trawiadol.

Cafodd yr Adran – y clwb cyntaf o'i fath yng Nghymru – ei sefydlu gan Marion Williams o Fferm y Llan, Treuddyn.

Thanks to Gruff and Hannah, our Head Pupils,

for representing the school in a special ceremony to unveil an impressive memorial celebrating 100 years of Adran yr Urdd, Treuddyn. The Adran – the first club of its kind in Wales- was established by Marion Williams of Fferm y Llan.



Diolch i Mr Aled Owen a thiwtoriaid y 6ed dosbarth am drefnu teithiau i fyfyrwyr Bl.12 a 13 yn ystod y tymor cyntaf. Cafodd yr holl fyfyrwyr gyfle i fynd i ffair prifysgolion ym Manceinion, tra bod rhai myfyrwyr wedi mynchu diwrnod o ddarllithoedd ym Mhrifysgol Birmingham fel rhan o rwydwaith Seren

*Thanks to Mr Aled Owen and the 6th form tutors for arranging trips for our current year 12 and 13 students. They were all given the opportunity to visit a university fair in Manchester, and some students attended a day of lectures at the University of Birmingham as part of the Seren network.*



Braf oedd croesawu'r awdureus Bethan Gwanas i'r ysgol yn ddiweddar. Bu'n gweithio efo aelodau o flwyddyn 12 ar wella eu sgiliau ysgrifennu creadigol. *It was a pleasure to welcome the novelist Bethan Gwanas to the school recently. She worked with members of year 12 in a workshop designed to improve their creative writing skills.*



Llongyfarchiadau i bawb a fu'n cystadlu yn y treialon trawsgwlad yn ddiweddar, ac yn arbennig i Harri a Lewis a gynrychiolodd Sir y Fflint yn y rownd ddilynol.

*Congratulations to all who competed in the recent cross-country trials, especially to Harri and Lewis who went on to represent Flintshire in the next round.*

Llongyfarchiadau i dîm pêl-rwyd y merched gafodd ail ym mhencampwriaeth Ann Smart yn ddiweddar. Llongyfarchiadau hefyd i'r genod sydd wedi eu dewis i gynrychioli Sir y Fflint. *Congratulations to the girls' netball team for winning second prize in the Ann Smart tournament recently. Congratulations also to the girls who have been chosen to represent Flintshire.*



Diolch i Mr Chris Williams, Mrs Emma Jones, Miss Linda Harrison, Mr Gethin Richardson a Miss Lauren Humphreys a'r dysgwyr niferus sy'n cynnal gweithgareddau chwareon i'n dysgwyr.

*Thanks to Mr Chris Williams, Mrs Emma Jones, Miss Linda Harrison, Mr Gethin Richardson, Miss Lauren Humphreys and the numerous learners who run various sports sessions for our learners.*

Ydych chi'n ein dilyn trwy Instagram a Twitter? Os ddim, beth am gychwyn?  
*Do you follow us through Instagram or Twitter? If not, why not start?*

←  
ysgolmaesgarmon



→ @MaesGarmon



Er na chafodd ein tîm cenedlaethol aros yng nghwpan y byd y tu

hwnt i'r gemau cychwynnol, fe wnaeth dysgwyr CA3 fwynhau nifer o weithgareddau i ddathlu'r ffaith bod Cymru wedi cyrraedd Cwpan y Byd.

Cafodd bl.7 fore o weithgareddau yng nghwmni Darren Morris a staff yr Urdd yn hybu hunaniaeth, a chafodd nifer o'n dysgwyr gyfle i ddylunio cwpan y byd newydd - gyda'r goreuon yn cael eu hargraffu gan ein argraffwyr 3D!

*Although our national team did not make it beyond the initial stage,*

*our KS3 learners enjoyed a variety of activities associated with the World Cup.*

*Year 7 enjoyed a morning of activities in the company of Darren Morris and the staff of the Urdd promoting identity, and some of our learners designed new versions of the world cup, with the best entries being printed by our 3D printers!*

Ennillwyr Dylunio  
Design Winners

7P: Effi, Lilli-Anne, Lili.

7W: Hayden, Charlie, Grace.

7Y: Elen, Efan, Elen.

7LL: Kita, Joel, Iris.

7G: Samuel, Sioned, Darcy.

7N: Gethin, Kacey, James.



# Dyddiadau Pwysig Tymor 2 Term 2 - Important Dates

Dyddiad/ Date	Digwyddiad	Event
16-20/1/23	Arholiadau Bl.9	Year 9 Exams
25/1/23	Dechrau Proses Opsiynau Bl.9	Start of Year 9 Options Process
26/1/23	Noson Cyflwyno Cyrsiau Trydyadol i Fl.11	Year 11 Introduction to Tertiary Courses
30/1/23	Dosbarthu Adroddiadau Bl.12/13	Distribute Year 12/13 Reports
1/2/23	Diwrnod ABCh	PSE Day
2/2/23	Noson Cynnydd Bl.12/13	Years 12/13 Progress Evening
13/2/23	Dosbarthu Adroddiadau Bl.9	Distribute Year 9 Reports
16/2/23	Noson Cynnydd Bl.9	Year 9 Progress Evening
17/2/23	Ysgol yn cau ar gyfer gwyliau hanner tymor	School closes for half term holiday
27/2/23	Ysgol yn ailagor	School reopens
9/3/23	Noson Cynnydd Bl.11 (Dyddiad newydd) Canlyniadau TGAU Ionawr 2023	Year 11 Progress Evening (New Date) January GCSE Results
16/3/23	Fforwm Rhieni a Gofalwyr 6:00-7:00	Parents and Carers' Forum 6:00-7:00
13-17/3/23	Arholiadau Blwyddyn 10	Year 10 Exams
31/3/23	Ysgol yn cau ar gyfer gwyliau Pasg	School closes for Easter holidays

# Diwrnod ABCh 1.2.23 PSE Day

Yn ddiweddar, cafwyd adborth gan rieni yn gofyn am wybod mwy am gynnwys diwrnodau ABCh a'r cwricwlwm bugeiliol. Isod, fe welwch gofnod o'r themâu y bydd ein dysgwyr yn eu hastudio yn ystod ein diwrnod ABCh nesaf.

Yn ystod y diwrnod, bydd rhai disgylion yn cydweithio efo *Cadwch Gymru'n Daclus* i blannu 120 o goed ar ffin yr ysgol.

*Feedback was recently received from parents requesting to know more about our PSE days and our pastoral curriculum. See details below of the themes that our learners will be studying during our next PSE day.*

*During the day, some learners will be working with members of Keep Wales Tidy, planting tree saplings along the school's border.*

	<b>Thema</b>	<b>Theme</b>
<b>Blwyddyn 7 / Year 7</b>	<b>Eco-sgolion</b>	<b>Eco-schools</b>
<b>Blwyddyn 8 / Year 8</b>	<b>Ymwybyddiaeth o Gyffuriau a'u Peryglon</b>	<b>Awareness of the Danger of Drugs</b>
<b>Blwyddyn 9 / Year 9</b>	<b>Sgiliau Bywyd/ Dewisiadau TGau</b>	<b>Life Skills/ GCSE Options</b>
<b>Blwyddyn 10 / Year 10</b>	<b>Gyrfau/ Sesiwn Iechyd efo Nyrs Ceri Slawson</b>	<b>Careers/ Health Session with Nurse Ceri Slawson</b>
<b>Blwyddyn 11 / Year 11</b>	<b>Gyrfau</b>	<b>Careers</b>
<b>Chweched Dosbarth</b>	<b>Amrywiaeth o dasgau-cyweliadau/ Bloom/ Unifrog/ Helpu dysgwyr iau.</b>	<b>A variety of activities-interviews/ Bloom/ Unifrog/ Helping younger learners.</b>



Diolch i chi am eich amynedd tra roeddem yn ceisio datrys y problemau efo taliadau cinio. Erbyn hyn, mae modd i chi dalu am gino eich plentyn gan dalu trwy Weduc.

*Thank you for your patience whilst we were seeking a solution to the problem with school dinner payments. Payments for school dinners are now processing correctly through Weduc.*



Rydym yn dymuno'r gorau i Miss Nia Haf Jones sydd yn ein gadael wedi dros 20 mlynedd yn yr ysgol fel cymhorthyydd addysgu. Diolch yn fawr iawn Miss Jones- mwynhewch eich ymddeoliad!

*We wish Miss Nia Haf Jones the very best as she leaves us following over 20 years of service to the school as a teaching assistant. Thank you very much Miss Jones-enjoy your retirement!*



Ysgol Maes Garmon  
Stryd Conwy  
Yr Wyddgrug  
01352 750678

[swyddfa@ymg.cymru](mailto:swyddfa@ymg.cymru)